

ՀԱՅԱՍՏԱՆԻ ԱՌԱՋԻՆ ՀԱՆՐԱՊԵՏՈՒԹՅԱՆ
ՏՈՆԱԿԱՆ ՀԱՄԱԿԱՐԳԸ

Ս. Ս. ՄԿՐՏՉՅԱՆ

Տոներին և, ընդհանրապես, մշակութային գանձերի պահպանման գլխավոր երաշխիքը դարձավ 1918 թ. ստեղծված Հայոց Առաջին հանրապետությունը, որը, որպես ազգային պետություն, ոչ միայն կարողացավ նպաստավոր պայմաններ ստեղծել ավանդութային այս տոների գոյատևման համար, այլև ստեղծեց իր պետական տոնական համակարգը՝ իսկ վերջինս ձևավորվեց հիմնականում անցյալի ավանդութային-կրոնական, ինչպես նաև՝ նոր աշխարհիկ բովանդակությամբ տոների հիմքի վրա:

Ազգային զորքերի այդ ժամանակահատվածում հանրապետության բնակչության կենցաղում հիմնականում գերակշռում էին այն տոները, որոնք անցած ժամանակաշրջանի վերջերին տարածված էին պատմական Հայաստանի բոլոր բնագավառներում: Դրանք գլխավորապես ավանդութային-կրոնական տոներն էին, որոնք Հայաստանի հորհրդի կողմից 1919 թ. հունվարին սահմանվեցին որպես «Համընդհանուր պետական տոներ»՝ միաժամանակ ընդունելով նրանց եկեղեցական հատուկ կարգավճակը: Ահա այդ տոների ցանկը. Նոր տարի—Ամանոր, Քրիստոսի ծնունդ և մկրտություն, Տեւոն ընդառաջ, Վարդանանց, Խարեկենդան (Բաղեկենդանի շաբաթ), Լուսավորչի մուտն ի Վիրապ, Զատիկ (Զատիկի երկուշաբթին և երեքշաբթին), Համբարձում և Թարգմանչացի:

Նշվում էին նաև տոներ, որոնք ծագումով կապված էին հանրապետական և միջազգային նշանակություն ունեցող պետական-քաղաքական խոշոր իրադարձությունների հետ: Այդ խմբի տոներից էին. Հայաստանի Հանրապետության պառլամենտի բացման օրը (օգոստոսի 1)², Հայաստանի Հանրապետության անկախության օրը (մայիսի 28)³, ինչպես նաև Աշխատավորների (մայիսի 1)⁴ և Ռուսական հեղափոխության⁵ (փետրվարի 27, նոր տոմարով՝ մարտի 12) օրերը:

Տոների առթիվ աշխատավորներին երբեմն տրվում էր մեկամսյա նպաստ (կապված գատկական տոների հետ)⁶, ճլնելով ժամանակի ռազմա-

¹ Закон о праздничных днях. Утвержден Советом Армении 1-го января 1919 г. (Հայաստանի պառլամենտի պետական կենտրոնական արխիվ (ՀՊԿԱ), ք. 6, դ. 14, ց. 1, ֆ. 207, էջ 6), Օրենք Հայաստանի Հանրապետության մեջ սահմանված տոների մասին. Հաստատված է Հայաստանի հորհրդի 1919 թ. հունվարի 17-ի նիստում (Կառավարության լրաբեր, 12. III. 1919, էջ 1—2):

² Հայաստանի հորհրդի հունվարի 17-ի նիստը՝ տոներ սահմանելու մասին (Ժողովուրդ, 5. II. 1919, էջ 4):

³ Վ. Աղադադյան, Տարեդարձը Վաղարշապատում (Ժողովուրդ, 8. VII. 1919, էջ 4), Կ. Սինյան, Անկախության տոնը Նոր Բայազետում (Ժողովուրդ, 10. VI. 1920, էջ 3—4), Մայիսի 28-ի տոնակատարությունը (Ժողովուրդ, 26. V. 1920, էջ 3), Վ. Հովսեփյան, Հրետանային համադարկ (ականատեսի հուշերը) (Ավանդարդ, 30. V. 1990), Հայաստանի անկախության տոնը Կ. Պոլսում (Ժողովուրդ, 15. II. 1920, էջ 2), Ա. Տուրյան, Սարգարապատյան խոյանք և մայիսյան տոնակատարություն (Դրոշակ, 18. I. 1989, էջ 12):

⁴ Մայիսի 1-ը երբեմնում (Ժողովուրդ, 8. V. 1920, էջ 2), Կառավարական հաղորդագրություն Արևածագյալի ղեկավարի մասին (Ժողովուրդ, 15. V. 1920, էջ 1—2):

⁵ Հայաստանի խորհրդի հունվարի 17-ի նիստը՝ տոներ սահմանելու մասին (Ժողովուրդ, 5. II. 1919, էջ 4):

⁶ Կառավարության լրաբեր, 22. VI. 1920, էջ 2:

քաղաքական անցուղարձեղից՝ պետությունը մեծ տեղ էր տալիս սերունդների ռազմատճարկնասիրական դաստիարակությանը: Այս կապակցությամբ առանձնակի նշանակություն ունեին Նորաստեղծ «Բանակի» (դեկտեմբերի 19—21)⁷ և ավանդական «Վարդանանց» տոները⁸:

Հանրապետության պետական տոնացույցում հատուկ տեղ էր հատկացվել նաև Հայաստանում բնակվող այլ էթնիկ ընդհանրություններին: Մասնավորապես հատուկ տոներ էին սահմանվել ռուսների համար (Ավետում, Վերափոխումն Աստվածածնի, հաշվերաց տոն, Նիկողայոս Հրաշագործի տոն, Պողոս Առաքյալի և Հովհաննես Մկրտչի (Կարապետ') օրեր, ինչպես նաև՝ Քրիստոսի ծնունդ և Մկրտություն, Բարեկենդան, Զատիկ, Համբարձում, Ուսական մեծ հեղափոխությանը և Աշխատավորների միջազգային համերաշխությանը նվիրված տոները):

Հայաստանի Հանրապետությունը հատուկ տոներ և հիշատակի օրեր էր սահմանել նաև շիա մահմեդականների համար (Իմամ Հուսեյնի տանջանքը և մահը, նրա մահվան 40-րդ օրը, Մուհամմեդ մ: րդարեի մահը, Մուհամմեդ մարզաբի ծնունդը, Ալիի ծնունդը, Մուհամմեդին մարգարեական կոչման հայտնում, 12 իմամների ծննդյան օրը, Ալիի վերավերվելու և մահվան օրը, Աստուց Մուհամմեդին Ղուրանը ուղարկելու օրը, Մուհամմեդի կողմից Ալիին խալիֆ նշանակելը և Նովրուզ-Բայրամի երեք օրերը)⁹, ի դեպ, մահմեդականների (մասնավորապես՝ աղերի-թուրքերի) շրջանում իրենց առավել տարածվածությամբ առանձնանում էին «Նովրուզ-Բայրամը» և հատկապես՝ իմամ Հուսեյնի հիշատակի օրը՝ «Մուհարրեմի տոնը»¹⁰:

Պետք է նշել, որ Հայաստանի Առաջին Հանրապետության պետական տոնացույցում (հատկապես հայերի և ռուսների համար նախատեսված մասում) որոշ բացթողումներ կան: Պատճառն այն էր, որ Նորաստեղծ պետական հաստատությունը՝ խորհուրդները դեռևս չէին հասցրել մշակել իրականությունը համապատասխանող տոնացույցի վերջնական տարբերակը, այլապես, օրինակ, Վարդավառի տոնը չէր բացակայի ընդհանրապես, իսկ Աստվածածնի վերափոխման և հաշվերաց տոները չէին հայտնվում միայն ռուսների համար նախատեսված հատվածում (այդ երեք տոներն էլ հայերի կենցաղում բավական տարածված էին): Գրեթե նույն թերությունները կային նաև ռուսների համար նախատեսված տոների մասում, քանի որ էթնիկ այդ փոքրամասնությանը վերաբերող տոները ևս տոնացույցում ճշգրտորեն չէին խմբագրված (աշխարհիկ և կրոնական տոները այդ պաշտոնապես ընդուն-

⁷ Բանակի օրեր (Ժողովուրդ, 19. XII. 1919, էջ 3), Բանակի օր (Ժողովուրդ, 11. XII. 1919, էջ 1), Դեկտեմբերի 20-ին (Ժողովուրդ, 24. XII. 1919, էջ 2):

⁸ Վարդանանց տոնի կատարումը (Ժողովուրդ, 22. II. 1920, էջ 3): Վ. Զինգարյան, Վարդանանց տոնը Մարգարայում (Ժողովուրդ, 6. III. 1920, էջ 3), Ժողովուրդ, 22. II. 1920, էջ 3—4):

⁹ Ուշագրավ է, մասնավորապես, հայոց բանակին նվիրված տոնի մուտքն Առաջին Հանրապետության տոնական ամսակազմ, որն, ըստ իս, պետք է այսօր վերականգնվի դարավերջին կրկին անկախություն ձևով բերած Հանրապետության (Նորուրդ) տոնացույցում, առավել ևս, որ ուղղակիորեն աղային բանակին նվիրված տոն առ այսօր գոյություն չունի: [Ի դեպ, այդ գործառույթը Հայաստանում երկար ժամանակ կատարում էր նախկին խորհրդային Բանակի տոնը (Փետրվարի 23), որը որոշակի տրանսֆորմացիայի ենթարկվելով, աստիճանաբար ձեռք բերեց կենցաղային արժեքային նոր հատկանիշներ: Նույնը վերաբերում է նաև աշխատավորներին նվիրված տոնի (Մայիսի 1) մուտքին: Հայոց Առաջին Հանրապետության տոնացույց, որը հետագա տասնամյակների ընթացքում ամբողջականորեն ամրապնդվեց մեր կենցաղում, որը, չնայած իր աշխարհիկ բնույթին, ձեռք բերեց նույնիսկ ավանդույթային-կրոնական տոներին բնորոշ հատկանիշներ: Այդ տոնը ևս, մեր կարծիքով, պետք է վերականգնվի մեր նոր պետական տոնացույցում]:

¹⁰ Закон о праздничных днях... (ՀՊՊԿԱ, Թ. 6, գ. 14, Ծ. 1, Գ. 207, վ. 6); Օրենք Հայաստանի Հանրապետության մեջ սահմանված տոների մասին (նույն տեղում, էջ 2):

¹¹ Շիրաների հանդիսավոր տոնը (Ժողովուրդ, 30. IX. 1920, էջ 2):

ված փաստաթղթում թավականին խառն են ներկայացված, այսինքն՝ այստեղ էլ չկա տոների հստակ դասակարգում, բացի այդ, այնտեղ նշված չեն կրոնական առանձին տոների՝ Քրիստոսի ծննդի և Մկրտության, Զատիկի և այլն ժամկետային տվյալները, որոնք տարբերվում են հայկականից)։

Խուրրի համար (ներառյալ՝ էթնիկ փոքրամասնությունները) պետականորեն հաստատված առանձին տոների կապակցությամբ սահմանվել էին որոշակիորեն կանոնարկված ոչ աշխատանքային օրեր և ժամեր։ Այսպես՝ որոշման համաձայն, բոլոր հիմնարկները պիտի փակվեին, բանվորները և ծառայողները ազատ պիտի լինեին աշխատանքից ամբողջ օրը (երկու ճրագալույցներին, Քրիստոսի ծննդյան, Ռուսական Մեծ հեղափոխության, Զատիկի, Աշխատավորների, Հայաստանի Հանրապետության պառլամենտի բացման օրերին)։

Պետք է նշել, որ Հանրապետության տոնացույցի նման կառուցվածքն ինքնին վկայում է նորաստեղծ Հայոց պետության դեմոկրատական էության մասին։

Ինչ վերաբերում է պետական տոնացույցում ռուսական կրոնական և աշխարհիկ (քաղաքական) տոների առկայությանը, ապա այն պայմանավորված էր ինչպես հանրապետությունում ռուսական էթնիկ զանգվածի առկայությամբ (նմանատիպ գործոնի հետ էր կապված նաև մահմեդականների տոների առկայությունը), այնպես էլ Ռուսաստանի հետ քաղաքական, կրոնական, տնտեսական և մշակութային կապերի ավանդույթներով, քանի որ ոչ վաղ անցյալում անկախություն հռչակած հանրապետության բնակիչները ճնշող մեծամասնությամբ ռուսահայատականներ էին։

Այսպիսով, Հայաստանի Առաջին Հանրապետությունում գոյություն ունեցող որոշակիորեն ձևավորված տոնական համակարգ, որն արժեքավոր է ինչպես զուտ ազգագրական, այնպես էլ պատմաքաղաքական առումներով, քանի որ այդ տոներն արտացոլում են ոչ միայն հայության այդ ժամանակների էթնիկ ավանդույթները, այլև հանրապետության էթնոքաղաքական ռեալ իրավիճակը։ Իսկ դրանք, ըստ էության, նորանկախ պետության արտաքին և ներքին քաղաքական իրավիճակն արտացոլող կարևոր փաստաթղթեր են, որոնք, կարծում ենք, կհետաքրքրեն նաև այդ ժամանակաշրջանով դրադվող պատմաբաններին*։

* Ստորև ներկայացված են Հայաստանի Առաջին Հանրապետության տոնացույց մտահմի քանի տոների միմյուց նկարագրերը, որոնք տարածված էին կենցաղում և որոնցում միաժամանակ արտացոլված էր հանրապետության ռազմաքաղաքական իրավիճակը։

Այդ նյութն ամբողջությամբ քաղված է տվյալ ժամանակաշրջանի մամուլից։

ԱՆԿԱՆՈՒԹՅԱՆ ՏՈՆ. Նուր Բալազետ (1920) Ե...Ժամը 10-ից ղումայի ղուրը հավաքվեղ մեծ բազմություն, դրոշակներով և պլակատներով։ Այդտեղից հանդիսավոր թափերը դափ ու պուռնայի ուղեկցությամբ շարժվեց ղևպի ուսումնարանի շենքը, ուր տեղավորված էր գործը։ Դպրոցի հրապարակում տեղ ղոնեցին գործը, հասարակական, արհեստավորական, աշակերտական միությունները, ամերիկյան որբերը և այլն՝ իրենց ազգային և ինքնուրույն դրոշակներով։ Հոգևորական դասը ժամերգությոնից հետո մաղխանք կատարեց։

...Բոլոր ճառերն ուղեկցվում էին որոտընդոստ կեցցեններով, և երաժշտական արկեստրը նվագում էր աղջային հիմներ, իսկ արտիլերիան այդ ժամին կրկն անդամ թնդանոթից արձակեց։

...Ապա տեղի ունեցավ գործերի շքերթ, բոլոր վաշտերին մեկվ-մեկիկ բարեկց ղեներալ Փիրումյանը։

...Ժողովրդի մի մասն ուղեկցեց գործին ղևպի քաղարի հարավային կողմը ղտնվող մի կանաչ մարգագետին, ուր քաղաքի կողմից գործի համար ճաշ էր պատրաստված։ Ժաշին մասնակցեցին նաև քաղաքացիներ, որոնց շրջանում հանգանակություն էր բացված հատկապես գործի պատվին ճաշ տալու համար...» (Ժողովուրդ, 10. VI. 1920, էջ 3—4)։

Կ. ՊՈԼԻՍ (1920) Ե... Այդ նշանավոր պատմական ղևպի առթիվ Կ. Պոլսի հայկական ղոսմատիկական ղնկերությունը շքեղ կրկնությամբ էր կազմակերպել, որին ներկա էն եղել պատ-

րիարք Զտվեն սրբազանը, Մեսրոպ Լպիսկոպոս Նարոյանը և հայկական հանրապետության ղեկավարական ներկայացուցիչ Թահթաճյանը, Թուրքական պետության ներկայացուցիչները այցելել էին պատրիարքին և շնորհավորել Հայաստանի քաղաքական վերածնությունը։ Նույնիսկ, ուրախություն են հայտնել թուրքական քաղաքները, իհարկե, միայն ալևի մտքով, որ հայերը կրավականանան միմիայն կովկասյան Հայաստանով և Սև ծովի ավազան մի նավահանգիստ պահանջելով...» (Ժողովուրդ, 15. I. 1920, էջ 2)։

ՎԱՍԻԼԵՆԱՅ ՏԻՆ. ԵՐԼԱՆ (1920) «...Հինգշաբթի, Վարդանանց տոնի առթիվ Ս. Պողոս-Պետրոս եկեղեցու առջև կատարվեց մեծ դորահանգես։ Ժամը 11-ին Երևանի բնակչության մի զոմարտակ մուղիկի առաջնորդությամբ բարձրացան Աստաֆյան փողոցով և Հարպաճյան եկեղեցու առջև քիչ հեռու եկան ղեկավարական նախարարը և զենեքով նազարեկաձեռք, այնուհետև եկան վարչապետ Ա. Կատարյանը, խնամատարության մինիստրը, պառլամենտի անդամները և ուրիշ պետական բարձրաստիճան անձնավորություններ։ Կատարվեց եկեղեցական արարողություն ի հիշատակ Վարդան զորավարի, որից հետո մինիստր-նախագահը դիմեց ղեկավարներին հետևյալ ճառով. «Այսօր մեր անկախ հանրապետությունը գոյություն ունի նույնպես մեր քաղաքի ղեկավարների և սպաների թափած արյան գոլի և մենք այստեղ հարգում ենք Վարդանանց հիշատակը։ Թեև մենք չենք ստացել այն հողամասերը, որոնք մեր հայրենիքի անբաժան մասն են կազմում, սակայն ես վստահ եմ, որ շուտով հայկական լասկեր կմտնի Տաճկահայաստան և կղրավի միջև Սևահեռու Տրապիզոնը։ Մենք չենք կարող հանգիստ լինել, քանի որ մեր տաճկահայ եղբայրները սպասում են անհամբեր երկիր գնալու։ Մենք չենք կարող անտարբեր լինել, երբ այսօր ստացված վերջին տեղեկությունների համաձայն ազգրեջանյան 1000-ից ավելի ղեկավարներ տաճկական զենեքակների և փաշաների առաջնորդությամբ պատրաստվում են Եռլիքի հարձակվել Ջանդեղուրի վրա և ուղղված են կտրել Ղարաբաղի ու Ջանդեղուրը մեղանից։ Հայ ղեկավարները երբեք թույլ չպիտի տան այդ բանքը։

...Հետո կատարվեց զորանցք և հանդեսը վերջացավ...» (Ժողովուրդ, 19. XII. 1919, էջ 3)։

ՈՒՆԱԿԻ ՈՐ. ԵՐԼԱՆ (1919) «...Երևանում դեկտեմբերի 19, 20 և 21-ին Բանակի օրերը կտոնվեն հետևյալ կարգով. Ուրբաթ, դեկտ. 19-ին կկատարվի հանգանակություն իրերով։ Բազմաթիվ փողոցներում կշրջեն հատուկ հավաքող սալները, որոնց կուլեկցվեն լիազորները։ Շաբաթ, դեկտ. 20-ին, ցերեկով կվաճառվեն տոնի պատճառ օրանիշները։ Երեկոյան պատուհանների դահլիճում կկայանա շքեղ երեկոյի, որ կազմակերպում են կանաչը, Կիրակի, դեկտ. 21-ին, ցերեկով կկայանա դորահանգես և հրապարակավ ժողովներ, կվաճառվեն ռա-նակի օրս թերթեր և նշաններ։ Երեկոյան կկայանա Հայաստանի Գրական ընկերության դասախոսությունը պառլամենտի դահլիճում։

...Քաղաքացիներ, Բանակի օրերին զարգարեցեք քաղաքը դրոշմակերպի ու գորգերով։ Սրտով միացեք մեր քաղաքի ղորքի հետ և առատաձեռն նվերներով հաջողությամբ պսակեցեք տոնը...» (Ժողովուրդ, 19. XII. 1919, էջ 5)։

ՄԱՍԻՍԻ 1 (1920) «...Հայաստանի կառավարության որոշման համաձայն ներքին գործոց պ. մինիստրը հայտնել է բոլոր տեղական ադմինիստրատիվ հիմնարկություններին տոնել հանդիսավորապես Մայիսի 1-ը։ Տեղական վարչությունների պարտքն է քաղաքներում և գյուղերում ակտիվ մասնակցություն ցույց տալ բանվորական այդ մեծ տոնի օրը։ Միևերան պիտի քաղաքները զարդարել տալ ներքին գործոց պ. մինիստրը շնորհավորում է կառավարության կողմից Մայիսի 1-ի տոնը և հայտնում կառավարության ջերմ և անբարեբախտ բանվորությանը և գյուղացիությանը...» (Ժողովուրդ, 1. V. 1920, էջ 4)։

ԱԼԵԿՍԱՆԴՐԱՊՈԼ (1920) «...Աղբրեջանի հեղաշրջումից հետո բուլշևիկների անդրկուլկասյան կռիտները որոշել է հեղաշրջում առաջ բերել նաև Վրաստանում և Հայաստանում։ Այդ նպատակով դրսից Հայաստան էին եկել զործակալներ խոշոր գոմարներով։ Մայիսի մեկը նրանք նշանակել էին իրենց ղեկավարություններ իրագործելու օր։

...Նույն Մայիսի 1-ին Հայաստանի կառավարությունն ստանում է Աղբրեջանի «կարմիր» կառավարությունից գոհհի վերջնագիր, որով պահանջվում էր երեք օրվա ընթացքում պարպել Ղարաբաղի ու Ջանդեղուրը։ Աղբրեջանական զորքերը մտադիր էին միանալ Մոստաֆա փաշա Քեմալի զորքերի հետ...» (Ժողովուրդ, 15. V. 1920, էջ 1—2)։

ПРАЗДНИЧНАЯ СИСТЕМА ПЕРВОЙ АРМЯНСКОЙ РЕСПУБЛИКИ

С. С. МКРТЧЯН

Р е з ю м е

Праздничная система населения первой республики в основном представлена двумя группами праздников. Первая группа объединяет различные праздники традиционно религиозного или церковного содержания, вторая—светского или государственного характера. В первой группе присутствует не только традиционная празднично-обрядовая система основного этноса (армян), но и этнических и религиозных меньшинств, что свидетельствует о демократическом характере Первой республики. Следующая группа полностью обусловлена событиями республиканского и международного масштаба. В ней достаточно ощутимо русское влияние, что определяется как наличием в Армении русского этнического массива, так и традициями экономических, политических, религиозных и культурных связей России и Восточной Армении.